

Recuperación dos areais de Madorra e Area Fofa

Escrito por VM

Xoves, 29 Maio 2008 19:35



A Xefa da Demarcación de Costas de Pontevedra do Ministerio de Medio Ambiente, Cristina de Paz, informou que esta semana comenzarían os aportes de area para recuperar os areais de Madorra e Area Fofa. Os áridos, procedentes de A Guarda, son o resultado do dragado do río Miño e empezarán a transportalos a Nigrán no día de hoxe, cando se prevé que sobre as once da mañá cheguen os primeiros camións.

A necesidade de aportar regularmente area a estas praias é o resultado da alteración do entorno destes espazos pola construción de muros de carreteras e paseos que alteran o correcto equilibrio do areal e producen unha paulatina desaparición do mesmo.

Por esta razón, alí onde sexa posible, como é o caso de Panxón e Praia América, cómpre recuperar o espacio dunar como garantía de mantemento dos areais existentes. O concello de Nigrán en colaboración coa Demarcación de Costas de Pontevedra do Ministerio de Medio Ambiente e co apoio da Consellería de Innovación e Industria está a desenvolver un intenso labor de recuperación destes espazos dunares.